



Sud Bosne i Hercegovine
Суд Босне и Херцеговине

Broj S1 3 Iž 039129 20 Iž

Sarajevo, 14.12.2020. go OPŠTINSKI ODBOR SAVEZA SNSD ŠAMACdine

Sud Bosne i Hercegovine, u apelacionom vijeću sastavljenom od sudija Dinke Bešlagić Čovrk kao predsjednika vijeća, Vesne Trifunović i Srete Crnajka kao članova vijeća, odlučujući o žalbi političkog subjekta Socijalističke partije sa sjedištem u Banja Luci ulica Jovana Dučića broj 25 izjavljenoj protiv odluke Centralne izbore komisije Bosne i Hercegovine broj 05-1-07-5-1401/20 od 08.12.2020. godine o odbijanju zahtjeva za ponovno brijanje glasačkih listića, na nejavnoj sjednici održanoj dana 14.12.2020. godine, donio je

R J E Š E N J E

Žalba se odbija.

O b r a z l o ž e n j e

Odlukom Centralne izbore komisije Bosne i Hercegovine broj 05-1-07-5-1401/20 od 08.12.2020. godine, odbijen je zahtjev političkog subjekta Socijalističke partije za ponovno brojave glasačkih listića pristiglih putem pošte na biračkom mjestu 066B002 u osnovnoj izbornoj jedinici Teslić.

Navedenu odluku osporava, blagovremeno izjavljenom žalbom, podnosilac zahtjeva politička partija Socijalistička partija ističući da je na propisanom obrascu dostavila prigovor u vezi sa nepravilnostima prilikom prebrojavanja glasova iz inostranstva na biračkom mjestu 066B002. Smatraju da je njihov zahtjev neosnovano odbijen jer je na biračkom mjestu na koje ukazuju učinjena povreda člana 5 Izbornog zakona o čemu kao dokaz dostavljaju u prilogu žalbe izjave prisutnih lica.

U odgovoru na žalbu Centralna izborna komisija Bosne i Hercegovine predložila je da se žalba odbije kao neosnovana jer je zasnovana na paušalnim i proizvoljnim navodima. U žalbi, kao i u zahtjevu nije navedeno koje nepravilnosti su od uticaja na izborni rezultat, niti je uložne prigovor da je jedna nevažeći glasački listić političkog subjekta SNSD-a uvršten kao važeći. Osnovna izborna jedinica Jezero imala je registrovanih 125 glasača za glasanje putem pošte, od kojih je bilo neuručениh 8 pošiljki, a prispjelo je 79 kovrata koje su sve verifikovane i prebrojane, pa ukazuju na dosadašnju praksu prema kojoj svi registrovan glasači za glasanje putem pošte ne pošalju svoj glasački materijal.

Žalba nije osnovana.

Iz predmeta spisa proizilazi da je Centralna izborna komisija Bosne i Hercegovine postupajući po zahtjevu političkog subjekta Socijalistička partija od 07.12.2020. godine za ponovno prebrojavanje glasačkih listića pristiglih putem pošte na biračkom mjestu 066B002 u izornoj jedinici Teslić, ožalbenim rješenjem odbila zahtjev kao neosnovan jer za to ne postoje opravdani razlozi.

Odredbe člana 5.30 stav 4 Izbornog zakona (Sl. glasnik BiH br. 23/01 sa izmjenama) propisuju uslove pod kojima Centralna izborna komisija BiH razmatra zahtjeve za ponovno brojanje glasačkih listića. Osim formalnih uslova koje zahtjev treba ispuniti, tačkom 2, 3 i 4 propisano je da zahtjev mora navesti činjenice koje opravdavaju ponovno brojanje i odredbe zakona koji nisu poštovani, približan broj glasačkih listića za koje se vjeruje da nisu ispravni i navođenje kako bi povreda zakona uticala na izborne rezultate.

Prema zaključku apelacionog vijeća zahtjev političkog subjekta Socijaldemokratske partije ne ispunjava ni jedan od propisanih uslova za ponovno prebrojavanje glasačkih listića u traženoj izornoj jedinici, što je pravilno utvrđeno u ožalbenoj odluci.

Naime, zahtjev za ponovno brojanje glasačkih listića prispjelih iz inostranstva žalitelj zasnova na tvrdnjama da je 11 glasača iz inostranstva za njih dalo svoj glas, što predstavlja paušalan navod koji kao nedokazan ne može opravdati razloge za ponovno brojanje.

Drugi razlog za ponovno brojanje odnosi se na činjenicu da je jedan nevažeći listić političkog subjekta SNSD ubrojan kao važeći, nije evidentiran kao primjedba na zapisniku za biračko mjestu 066B002. Izjave o uračunavanju nevažećeg listića, člana biračkog odbora i akreditovanog posmatrača dostavljene u prilogu žalbe, bez uticaja su na pravilnost i zakonitost ožalbene odluke. Ovo iz razloga jer prema stanju iz spisa u izornoj jedinici Jezero politički subjekt SNSD osvojio je 59,52% glasova, a žalitelj je osvojio 14,58 % glasova, pa ukoliko je ukazana povreda i potojala bez ikakvog je uticaja na rezultate izbora. Time nije ostvaren uslov propisan članom 5.30 stav 4 tačka 4 Izbornog zakona za ponovno brojanje glasačkih listića po zahtjevu žalioaca.

Proizilazi da je odluka Centrale izborne komisije BiH o odbijanju zahtjev zasnovana na pravilno utvrđenim činjenicama kod ocjene oba razloga na kojima se zasniva, kao i na pravilno primjenjenim zakonskim odredbama koje propisuju uslove za ponovno brojanje glasačkih listića.

Obzirom na navedeno, po ocjeni ovog vijeća, pobijana odluka Centralne izbore komisije BiH je pravilna i zakonita, a žalba neosnovana, pa je istu primjenom odredbe člana 81 stav 1 Zakona o upravnim sporovima BiH (Sl. glasnik BiH br. 19/02 sa izmjenama) valjalo odbiti.

**PREDSJEDNIK VIJEĆA
S U D I J A
Dinka Bešlagić Čovrk**